

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine, na 28. sjednici Predstavničkog doma, održanoj 24. maja 2012. godine, i na 16. sjednici Doma naroda, održanoj 29. maja 2012. godine, usvojila je

ZAKON

O IZMJENAMA I DOPUNI ZAKONA O SLUŽBI U ORUŽANIM SNAGAMA BOSNE I HERCEGOVINE

Član 1.

U Zakonu o službi u Oružanim snagama Bosne i Hercegovine ("Službeni glasnik BiH", br. 88/05, 53/07, 59/09 i 74/10) u članu 48. stav (4) briše se.

Član 2.

Iza člana 48. dodaje se novi član 48.a) koji glasi:

"Član 48.a)

(Posebna prava na status i primanja)

- (1) Izuzetno, na prijedlog Ministarstva odbrane, vojnik koji je najmanje dvije godine do 23.12.1995. bio pripadnik Armije Republike Bosne i Hercegovine ili Hrvatskog vijeća odbrane ili Vojske Republike Srpske, a koji je na dan 1.1.2010. bio u vojnoj službi, i kojem, shodno članu 101. stav (1) tačka c) ovog zakona, služba prestaje, u skladu s ovim zakonom ima pravo na status i primanja po tom osnovu, na način kako su ta prava entitetskim propisima regulirana za srodne kategorije.
- (2) Visinu i način isplate naknada iz stava (1) ovog člana utvrđuju entitetski nadležni organi u skladu s propisima kojima se reguliraju ova prava za srodne kategorije.
- (3) Sredstva za naknade iz stava (1) ovog člana osiguravaju entiteti u skladu s propisima kojima se regulira ova oblast u Republici Srpskoj i Federaciji Bosne i Hercegovine.
- (4) Sva prava koja su ostvarivala lica u skladu s dosadašnjom odredbom člana 48. stav (4) prestaju da važe danom primjene ovog zakona."

Član 3.

U članu 49. stav (3) briše se.

Dosadašnji stav (4) postaje stav (3).

Član 4.

U članu 53. stav (2) briše se.

Član 5.

(Stupanje na snagu)

Ovaj zakon stupa na snagu narednog dana od dana objavljivanja u "Službenom glasniku BiH".

Broj: 01,02-02-1-23/12
29. maja 2012. godine
S a r a j e v o

Predsjedavajući
Predstavničkog doma
Parlamentarne skupštine BiH

dr. Milorad Živković

Predsjedavajući
Doma naroda
Parlamentarne skupštine BiH

dr. Dragan Čović